



2025EKO URRIAREN 16KO
EZ-OHIKO OSOKO BILKURA

Lazkaoko Udaletxean, bi mila eta hogeita bosteko urriaren hamaseian, arratsaldeko sei eta erdietan, Lazkaoko Udal Osoa bildu da, aurrez honetarako deialdia egin delarik, Kepa Zubiarrain Erauskin Alkatearen lehendakaritzapean, ez-ohiko batzaraldia egin asmoz.

Bertaratutako zinegotziak honako hauek dira: Eneritz Miranda Muxika, Aitor Altuna Oiarbide, Amagoia Naldaiz Mingo, Josetxo Sese Eztala, Aritz Goicoechea Gonzalez de Audicana, Joxemai Ormazabal Sukia, Aitziber Azurmendi Imaz, Maialen Amundarain Irizar, Egoitz Bergara Azpirotz, Haritz Antoñanzas Urdangarin eta Maria Carolina Aguirre Mastrangelo.

Unbe Echaniz Perez zinegotzia ez da etorri.

Idazkari lanetan Idoia Garmendia Callejak dihardu.

I.- ORDENANTZA FISKALEN ALDAKETA.-

Ordenantza fiskaletan, orokorrean, abuztutik abuztura urte arteko kontsumo prezioen indizearen (KPI) pareko igoera aplikatzea proposatu du Ogasun batzordeak, hau da, % 2,8koa.

Hondakinen bilketa eta tratamendu zerbitzuaren tasari dagokionez berriz, honi % 5eko igoera aplikatzea proposatzen da.

Udal ur-horniduraren tasei dagokienez, % 2,2 igotzea da proposamena.

Joxemiel Barandiaran Udal kiroldegiairen bazkidetza, bono eta eguneko sarrerren tasei dagokienean, hauek % 12 igotzea da proposamena.

Gaiaz eztabaidatu ondoren, eta Ogasun Batzordearen proposamenaren aurrean, Osoko Bilkurak, bertaratutakoen aho bateko adostasunez, honako akordioak hartu ditu:

1.- Aurkeztu den proposamenean eta espedienteen jasotzen den dokumentazioaren arabera ordenantza fiskalen aldaketa, hasierako izaeraz onartzea.

2.- Akordioa jendaurreko erakustaldian jartzea hogeita hamar egun balioduneko denboraldian.

3.- Jendaurrean dagoen denboraldian inolako erreklamaziorik aurkezteko ez balitz, onarpena behin betikotzat joko da berariazko beste akordiorik hartu gabe.



II.- UDAL ZERGAK ETA TASAK ORDAINTZEKO LAGUNTZEN ARAUTEGIA.-

Udal zergak eta tasak ordaintzeko laguntzen arautegia aldatzea planteatzen da. Aldaketak honako hauek dira:

- Laguntza hauek aplikatzeko erabiltzen den hileroko soldata mailaren taulan, LGSrekin alderatuta, bi lerro gehiago gehitzea: bata 5 kideko familientzat eta bestea 6 kide edo gehiagoko familientzat.

Honako hau gehitzea ere proposatzen da: "Familia ugariei, kide bat gehiago gehituko zaie eta honela aurreko taula aplikatuko zaie."

- **Honako hauek ezabatzea:**

"5 kide edo 5 kideetik gorako familiak %100aren hobaria izango dute, baldin eta famili horretako diru sarrera urtean 40.700 euro baina gehiago ez bada."

"5 kide edo 5 kideetik gorako familiak %50aren hobari izango dute, baldin eta famili horretako diru sarrera urtean 51.700 euro baina gehiago ez bada."

"3 edo 4 kideetako familietan, 21 urtetik gora kide bakarra denean, familiak beste kide bat gehiago izango balu bezala kontatuko da."

- Trakzio Mekanikoko Ibilgailuen gaineko zergen laguntzei dagokionean, famili ugari-en hobarian gehieneko diru-sarreraren mugak honela igotzea:
 - o $\leq 42.900 \text{ € } \%75$ eko hobaria
 - o $\leq 53.900 \text{ € } \% 50$ eko hobaria

Hau honela, eta Ogasun Batzordearen proposamenaren aurrean, Osoko Bilkurak, aho batez, honako akordioak hartu ditu:

1. Aurkeztu den proposamenean eta bere espedientean jasotzen den dokumentazioaren arabera udal zerga eta tasak ordaintzen laguntzeko arautegiaren aldaketa, hasierako izaeraz onartzea.
2. Akordioa jendaurreko erakustaldian jartzea hogeita hamar lan balioduneko denboraldian.
3. Jendaurrean dagoen denboraldian inolako erreklamaziorik aurkeztuko ez balitz, onarpena behin betikoa bihurtutzat joko da akordio espres berri baten beharrik gabe.

III.- BILERAREN AMAIERA.-

Eta eztabaidatzeko beste gairik ez dagoenez, Alkateak bilera amaitutzat jo du, arratsaldeko seiak eta berrogeita bost direnean nik, Idazkariak, guztiaren akta jaso eta ziurtatzen dudalarik.